

# ISƏ KUƳƳƳTUTU TELEŠULU APITIYAASI TƏM TAKƏLAYA

## Kutulu

Takəlaya kanε ka ηmaalv kεεsa Isav lɔlvɔv nyəma Itəm nyəma təm. Paa caaki Yakərv lɔlvɔv nyəma Iseɣeli nyəma, pa luki-wεɣε koloŋa kέ. Ama Isə ká hɔvna i yəlaa Iseɣeli nyəma nəɣɔ, na í hεεsi pa laŋa.

**Isəna pa faɣa Apitiyaasi takəlaya tɔ:**

Tacaa hɔvkəna Itəm nyəma, kukalɔtv 1-14

Tacaa kuyaku səsəv, kukalɔtv 15-21

<sup>1</sup> Təm nti Tacaa Isə kulaa na í hɔli Apitiyaasi si, í yəɣɔti Itəm tetv nyəma təv təɣəlv.

*Tacaa kpaalvɣv kε Itəm ncaale təm*

Pa tila tillu kε piitimnaa hεkv.

Tə nu i yəɣɔta Tacaa təm si:

I kuli, na tε yoona Itəm nyəma.

<sup>2</sup> Mpyəɣ Taca yəɣɔta Itəm si:

Maa la-η waali tv kε piitimnaa lɛlaa taa.

Paa nyəni-η yem.

<sup>3</sup> N caɣa hatoo kukraməŋ hεkv,

timpi nəɣəlv u taki tɔ.

Kalampraani kuvv-η si,

nəɣəlv kaa ləsi-η təna.

<sup>4</sup> Paa n ká kra isətaa isu hεkəle,

na n tv nyá tante kε isətvlvŋasi taa,

isu ma tisa-η təna.

Tacaa má, ma yəɣətəna mpv.

<sup>5</sup> Ye ηmulaa svv nyá tεɣε ahoov,

pa kuu pə təna mpi pa pəsəyi təyə,  
na pə yele-η kpete.

Ye kontaa sɔv nyá taale taa,  
kumkum tike ke pi kaasi-η.

<sup>6</sup> Isav nyóma me,

mə kolontunaa yasa mə wɛnav taa na pá kuu-wi.

<sup>7</sup> Məna mpa i ka pɛela nəosi tə,

pa təyənəyi-meɣe mə tetunaa taa ké.

Mə cewaa luki mə waali.

Mə taapalaa na ηmakəliyi-me.

Məna mpa í ka kaawa nyənaya tə,

pa sɔv-meɣe katəsi nyəpu.

Pa tɔvki-me si í fei ləmayasɛɛ.

<sup>8</sup> Tacaa má, ma tɔ ma taa si,

maa kpiisi Itəm layatunaa tənaya kuyaku ηku.

Maa kpiisi mə layatɔ tənə.

<sup>9</sup> Səyɔntɔ ká kra Temaη icate yoolaa.

Pa kɔ Itəm yoolaa tənə.

*Itəm nyóma waawa Isɛyeli nyóma wahala taa*

<sup>10</sup> Mpyó Tacaa yəyɔtaa si:

Pi kpiisi Itəm nyóma me.

Fɛɛɛ ka pi-meɣe teu.

Mpi tə, í kó mə tɛɛtunaa

Yakəpu lɔlɔyɔ nyóma,

na í kuu pa wontu.

<sup>11</sup> Waatɔ wei kolontunaa kəla-me,

na pá sɔv mə icate taa tə, i ka wɛ tənə.

Halɪ pa tə tɛtɛ ké Yosalem wɛnav tɔɔ tə,

mə na-wɛyɛ.

<sup>12-13</sup> Pə taa mənə si,

í sɔv pa icate taa,

na mə isentaa hetənə pa wahala.

I krasa amukoyɔ na pa hotuyɔ,

na í tuv-weyε pa konyantɔɔle waatu.  
Haləna í kuu pa wənav isu pa kolontunaa.

14 I səha mrahela na í kyɔi selaa.

Yaa í tɔyi-weyε pa kolontunaa nin taa  
ké pa wahala wule.

15 Kyakɔ ŋku Tacaa ká huuna yəlaa tɔ ku kpreyetaa ké.  
Isayatu nti í lapa tɔ, tu məli mə nyɔɔŋ taa.  
Paa lana-me isu mə lapənav-we tɔ.

*Iseyeli nyóma leetɔyi Itəm nyóma*

16 Ḿpógó Tacaa tasaa si:

Iseyeli nyóma me,  
í tema ma rááná kəpu nyɔɔv ke  
ma puɔv nanŋ nyəŋku tɔɔ.  
Yəlaa lelaa ná kaa te a nyɔɔv.

Paa nyɔɔ-yeyε ḿpógó,  
ilena pə kpiisi-we na pá saali yem.

17 Ama mpa pu kaasi tɔ paa cɔɔsi Siyən puɔv taa.  
Ku pəsi Isə puɔv.

Yakəpu lulɔv nyóma ká leeki tetv ke tɔ mɔlaa nin taa.

18 Ilena Yakəpu na Yosεεfv pa lulɔv  
nyóma pəsi isu kəkɔ,  
na ká nyaga Isav lulɔv  
nyóma isu nyutu.

Pu wakəli-we tənəŋnanŋ,  
pə kaa sɔɔ paa kulɔm.

Tacaa má, ma yəɔtəna mpv.

*Paa leeki pəcɔlɔ tetvnaa*

19 Yuta nyóma ká tɔɔna Itəm tetv na ilim mpətəŋ  
tɔɔ. Paa tɔɔ Filiisi nyóma tetv hɔɔlɔv tetekəle,  
na Ifəlayim nyóma tetv ke Samalii. Ilena Pəncamεε  
nyóma náá tɔɔ Kalaati.

<sup>20</sup> Iseγeli nyóma mpa pa kuuwa na pá tɛɛna tɔ, pa taa yoolaa kɔpama ká lɛɛki Fenisii tetu. Haləna pə polo Salepəta ɪcate. Yosalem nyóma mpa pa kuuwa na pá wɛ Sefalati tɔ, pɛɛ paa tɔγɔ ilim mpətəŋ tɔɔ acaɛɛ. <sup>21</sup> Pa kɛ akanaa kɛ. Paa nyəkəli Siyɔŋ puγu na pá caγa təna. Paa tɔγɔ Itəm nyóma tɔɔ.

Tacaa ká tɔγɔna ɪ yəlaa tɔɔ kɛ kawulaya.

**PHIPI LI ISO TOM TAKELAYA**  
**Portions of the Holy Bible in the Lokpa language of**  
**Benin**

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

---

PDF generated using Haiola and XeLaTeX on 21 Feb 2024 from source files dated 31 Aug 2023

ef14191a-91f7-51c1-ac89-7b93dd7c4377